

女
科
經
論

女科經綸卷六

構李蕭 撰賡六纂著

叔

成遠聞

幾仔臨

全校

雲煇鳴仲

弟

廷貴齋公

吳兆麟振爲 駱飛塵雲駿

陳左來紫珮 錢發天拔 孫溎公望

未郡

陸濫露馨 高彥俊之

全恭訂

趙充宗鹿園 談錫命天臣 葉崧瞻嵩

產後證

下

。產後浮腫屬敗血停積不可作水氣治

產寶百問曰：產後四肢浮腫，由敗血乘虛停積，循經流入四肢，留淫日深，腐壞如水，故令面黃。四肢浮腫，醫人不識，便作水氣治之。凡治水多用導水藥，極虛人產後既虛，又以藥虛之，是謂重虛，多致夭枉。服小調經散，血行腫消，則愈。

產後浮腫屬血與氣搏留滯經絡

陳無擇曰：產後浮腫多端，有自懷妊腫，至產後不退，亦有產後失于將理，外感寒暑風溼，內則喜怒憂驚，血與氣搏，留滯經絡，氣分血分不可不辨。當隨脈證治之，宜得其情。小調經散治血分，固効，但力淺難憑，不若吳茱湯、枳木湯、奔魂散、大調經散，皆

芟藥也。

產後浮腫屬風邪搏氣

陳良甫曰。產後勞傷血氣。腠理虛。爲風邪所乘。邪搏于氣。不得宣越。令虛腫輕浮。是邪搏于氣。氣腫也。若皮膚如熱李狀。則變水腫。氣腫者。發汗卽愈。水腫者。利小便卽差。

慎齋按。產後虛腫。多屬氣血虛。而脾胃弱。榮衛不運所致。若去發汗。利小便。是重竭津液。而益虛其虛矣。豈產後腫。竟作外邪有餘證治乎。

產後浮腫屬體虛有溼熱

朱丹溪曰：產後浮腫，小便少，口渴，惡寒，無力，脈沉，此體虛而有溼熱之積，必上焦滿悶，宜補中導水行氣可也。方用白朮、陳皮、茯苓、芎朮通。

○產後浮腫屬虛，大補氣血。

朱丹溪曰：產後腫，必用大補氣血為主，少佐蒼朮、茯苓，使水自利。

產後浮腫分證治法

薛立齋曰：前證若寒水侮土，宜養脾肺。若氣虛浮腫，宜益脾胃。若水氣浮腫，宜補中氣。又曰：產後浮腫，或兼喘咳，脈沉細無力。

此命門火衰脾土虛寒八味丸主之

慎齋按已上六條序產後有浮腫之證也。浮腫雖有風寒溼熱外邪之感。若產後則屬氣血虛而脾土不運。肺氣不輸者。多故產寶以下四條。主客邪有餘論。而丹溪立齋。惟以補氣血。扶脾土爲要也。

。產後外感風寒發熱不可作傷寒治

李氏曰產後外感離床太早或摸衣襲風冷入下部令人寒熱似瘡頭疼不止而虛者。豈歸湯加人參柴葛氣虛者。補中湯加防風乾姜切不可以傷寒法治之。

秘其害非輕。凡有發熱。宜與四物爲君。加柴胡人參炮姜最妙。蓋乾姜辛熱。能引血藥入血分。氣藥入氣分。且能去惡生新。有陽生陰長之道。以熱治熱。滾合內經之旨。

慎齋按。已上三條。序產後有外感發熱之證也。產後發熱。狀類傷寒。雖有外感。禁用發表。惟以養血爲主。佐以散風寒之劑。如生化湯芎歸湯。倍加用芎蔥白。若吳氏論發熱數種。又當分因治之。如惡露未盡。腹痛未除。形壯脈實。五七朝內。不見虛證。人參尚宜斟酌。如有虛證。必以桃仁與人參同用爲當。

產後傷食發熱宜下

金匱要略曰產後病解能食七八日更發熱此爲胃實大承氣湯主之

徐註曰此條言大虛之後有實證卽當以實治故謂病解能食則經絡臟腑之氣俱平無產後本病可疑至七八日更發熱不惡寒又無表證可疑明是食復之象故曰胃實大承氣峻逐之恐因循致虛也

產後傷食發熱類傷寒

證治要訣曰彌月俗名滿肚多有恣意食物致傷食發熱有類

傷寒食復證宜先用紅丸子一二服却進小柴胡湯此論蓋有所本

○○產後傷食發熱不可作血虛治

王節齋曰產後脾胃大虛多有過服飲食傷滯發熱者誤作血虛則不効故凡遇產後發熱須問服何飲食有無傷積飽悶惡食泄瀉等證只作傷食治之若發熱而飲食調者方用補血正法

產後傷食發熱分證用藥

薛立齋曰前證若胸膈飽悶噯腐惡食或吞酸吐瀉發熱此爲

飲食停滯宜四君子加厚朴杏曲若胸膈悶滿食少發熱或食難化此爲脾氣虛弱宜四君子加炮姜若用峻厲之劑復傷元氣則謬矣

慎齋按已上四條序產後有傷食發熱之證也產後發熱有六證一曰血虛發熱二曰勞力發熱三曰瘀血發熱四曰風寒發熱五曰傷食發熱六曰蒸乳發熱須分有餘不足治法如血虛勞力爲不足瘀血傷食風寒蒸乳爲不足中之有餘不足者固宜大補氣血而不足中之有餘亦不可以務末而忘本也金匱胃實一證雖下亦當酌量

○。○。產後發熱屬肝虛血燥

趙養葵曰。如胎前原有陰火證。至產後去血過多。必大發熱。煩躁汗出等證。若依前法大補氣血。其證必甚。當用逍遙散以清肝火。養肝血。因去血既多。肝虛血燥之故。不可泥于氣血虛之論也。

○。○。產後發熱屬陰虛生內熱

朱丹溪曰。產後發熱。此熱非有餘之熱。乃陰虛生內熱耳。以補陰藥大劑服之。必用乾姜者。何也。目乾姜能入肺利氣入肝。經引血藥生血。然不可獨用。與補陰藥同用。此造化自然之妙。

婁全善曰產後發熱多屬虛寒惟乾姜加入補陰藥中神效此丹溪之法也。

○○產後發熱屬陰虛陽浮于外

王節齋曰、嬪人產後陰虛陽無所依浮散于外故發熱用四物湯補血以炙乾姜之苦溫從治收其浮散以歸于陰也。

○○產後發熱屬血脫陽無所附

薛立齋曰、新產婦人陰血暴亡陽無所附而外熱四物加炮姜補陰以配陽若誤服寒涼剋伐之劑而外熱此為寒氣隔陽于外四君子加姜桂不應急加附子若肌膚發熱面赤大渴引飲

此血脫發燥也。當肺補血湯。

○產後陰虛發熱宜補氣。

趙養葵曰：產後大失血，陰血暴亡，必大發熱。名陰虛發熱。此陰字正謂氣血之陰。若以涼藥正治，必斃。正所謂證象白虎，悞服白虎必死。此時偏不用四物有形之物，不能速化。幾希之氣，急用獨參湯，或當歸補血湯，使無形生出有形來，陽生陰長之妙，不可不知也。

○產後發熱不可作火治，誤用寒涼。

薛立齋曰：產後虛煩發熱，乃陽隨陰散，氣血俱虛，故惡寒發熱。

若誤作火。謂投以涼劑。禍在反掌。

論丹溪治產後發熱用方之法

武叔卿曰。丹溪治產後發熱。以芎歸四君子加黃芪。不用芍地者。以新產後用血脫益氣之法。不宜斂降涼血。以伐生氣也。熱甚者。加乾姜。若產後陰血弱發熱。四物加茯苓。熱甚加炮姜。此方全不用氣藥。是血虛氣不虛也。加茯苓者。使天氣降而陰自生。陰生則熱自退。熱甚加炒乾姜者。不從陽引陰。亦可從陰引陽。微乎微乎。

慎齋按。已上七條。序產後有發熱之證也。產後發熱。有風寒

有傷食有瘀血有蒸乳而外大抵屬陰血虛而陽浮外故當以辛溫從治戒用寒涼若肝虛血燥則宜補血逍遙散清火亦宜慎用陰血大脫又當益氣母用補血此又用藥之權衡也。

產後乍寒乍熱屬敗血不散

郭稽中曰產後乍寒乍熱者何。答曰陰陽不和敗血不散能令乍寒乍熱也。產後血氣虛損陰陽不和陰勝則乍寒陽勝則乍熱。陰陽相乘則或寒或熱。產因勞傷臟腑血弱不得宣越故令敗血不散入于肺則熱入于脾則寒。醫人誤作瘡治則謬矣。陰

陽不和宜增損四物湯。敗血不散宜奪命丹。又問二者何以別之。曰時有刺痛者敗血也。但寒熱無他證者陰陽不和也。

產後敗血不散寒熱爲閉陰閉陽

陳無擇曰。產後乍寒乍熱。榮衛不和。難以輕議。若敗血不散。豈止脾肺二臟。大抵一陰一陽。卽作寒熱。陰勝故寒。陽勝故熱。只可云敗血循經流入。閉諸陰則寒。閉諸陽則熱。血氣與衛氣解則休。遇再會而復作。太調經散入醋煎佳。

產後敗血閉陰閉陽之辨

武叔卿曰。閉陰閉陽之說。率難理解。敗血閉陰則寒。閉陽則熱。

而有休解會作之時。則似瘧矣。若瘀血爲有形之物。則蘊矣。安有解會之所。愚謂血閉于陽經。榮衛行之不通。則寒。血閉于陰經。榮衛行之不通。則熱。故必瘀通而寒熱自已。又就大調經散而言。行瘀于內也。五積散行瘀于外也。又外經或爲寒客。則肺病。肺病而榮衛不通。則熱。內腑或爲冷物所傷。則脾病。脾病而榮衛不通。則寒。故所用之方。一主裏。一主表。亦或內外俱滌。則寒熱並作。二藥又均不可廢。

產後陰陽不足。寒熱用藥不全。

薛立齋曰。按良甫云。此由氣血虛損。陰陽不和。宜四物加減。若

方不第... 卷二
敗血不散腹內作痛宜奪命丹夫陽氣不足陰氣上入陽中而
惡寒者補中湯若陰氣不足陽氣下陷陰中發熱者六味丸若
氣血不足惡寒發熱者八珍湯

慎齋按已上五條序產後有寒熱往來之證也寒熱往來爲
少陽經病產後見之明屬陰陽兩虛榮衛不和之候當遵丹
溪大補氣血爲治非小柴胡可例也若云敗血不散爲寒熱
郭稽中有入肺入脾之論陳無擇有閉陰閉陽之議兩說均
不能無疑也夫敗血瘀滯豈有或入肺或入脾之理况寒熱
何獨專于脾肺其心腎肝獨不可爲寒熱乎敗血閉陰爲寒

便不能閉陽爲熱閉陽爲熱便不能閉陰爲寒豈有既閉陰復閉陽得謂之敗血不散乎立言之謬恐有感于後人總之敗血爲病乃生寒熱本于柴衛不通陰陽乖格之故武叔卿始得其旨

○。產後虛汗不止屬陰氣虛

不全曰產後虛汗不止者由陰氣虛而陽氣加之裏虛陽氣獨于外故汗出血爲陰產則傷血是爲陰氣虛氣爲陽其氣實者陽加于陰故令汗出陰氣虛弱不復者汗出不止因過風則受寒氣不成瘕亦虛乏短氣身體柴瘦唇口乾燥久則經水斷

絕由津液竭故也。

○產後虛汗有亡陽之患。

單養賢曰：產後虛汗經曰：陽氣者精則養神，柔則養筋。產後既亡血而又汗多，乃爲亡陽。汗本血液屬陰，陰亡陽亦隨之而走。故曰：亡陽。產後亡血多汗，陰陽兩虛，極危證也。故用藥與他證不全慎之。方用參、芪、白朮、麻黃根、防風、桂枝。

產婦頭汗屬血虛孤陽上出。

金匱要略曰：產婦身其脈微弱，但頭汗出，所以然者，血虛而

以厥而必冒，冒家欲解，必大汗出，以血虛下厥，孤陽上出，故頭

汗出所以產嬪喜汗出者亡陰血虛陽氣獨盛故當汗出陰陽
乃復

徐忠可曰產嬪鬱冒虛多邪少故脈微弱中氣虛也內虛一
身之陰陽不和故身無汗但頭汗出所以頭汗出者何血虛
下厥則下之陰氣盡而陽爲孤陽陽孤則上出而頭汗矣然
既頭汗仍喜其汗出而解者何蓋陰不亡則血未人虛惟產
嬪血去過多而亡陰則陽爲孤陽自陰較之陽爲獨盛所以
喜其汗損陽就陰則陰陽平故曰乃復

產嬪頭汗屬虛熱熏蒸

王海藏曰。產後頭汗出。至頸而還。額上偏多。蓋額爲六陽之會。由虛熱熏蒸而出也。

慎齋按。已上四條。序產後有汗出之證也。經云。奪血者無汗。汗與血類。產後去血過多。則陰不維。陽陰虛而陽無所附。周身汗出不止。此爲陰陽兩虛。有亡陽之患。爲危證。若身無汗。但頭有汗。頭爲諸陽之會。陰血暴亡。孤陽上越。陰雖虛而陽氣尚爲有餘。此時陰不勝陽。故頭汗額上偏多。心火上浮。逼陽于外。急補其陰而入。以斂陽之藥。則病自復。故產後又喜其頭汗出也。

產後中風屬于虛

金匱要略曰、產後中風、發熱、面正赤、喘而頭痛、竹葉湯主之、

徐忠可曰、中風發熱、頭痛、表邪也。然面正赤、所謂面若朱、
乃真陽上浮、加以喘、氣高不下也。明是產後大虛、元陽不
能自固、又雜以表邪、自宜攻補兼施。故以桂甘防葛、桔梗、姜
棗、清在上之邪、竹葉清胆腑之熱、而以參附培元氣、反其欲
脫之陽也。

產後中風屬勞損臟腑氣虛邪入

大全曰、產後中風、由產時傷動血氣、勞損臟腑、未曾平復、起

大全曰產後下血過多。虛極生風者。何蒼曰。煩人以榮血爲主。因產血下太多。氣無所主。唇青肉冷。汗出目眩。神昏。命在須臾。此虛極生風也。若以風藥治之。則誤矣。

。產後中風宜大補不可作風治

朱丹溪曰。產後中風。口眼喎斜。必用大補氣血。然後治痰。當以左右手脈分氣血多少以治。切不可作中風治。用小續命湯發表治風之藥。

。產後中風當補元氣爲主

薛立齋曰。產後中風。果外邪所屬。形氣不足。病氣有餘。當補元

氣爲主。稍佐治病之藥。若強力不休。月丙入房。形氣俱不足。當純補元氣。多有復甦者。若誤投風藥。是促其危也。前證若心脾血氣俱虛。十全湯不應加附子。鈎藤。若肝經血虛。逍遙散加鈎藤。經云。脾之榮在唇。心之液爲汗。若心脾三臟虛極。急用參而救之。

慎齋按。已上六條。序產後有中風之證也。中風有真中。類中有火。有氣。有痰。中。臟。中。腑。中。血。脈。之。不。一。若。產。後。中。風。總。屬。血。虛。而。動。傷。臟。腑。所。致。卽。有。外。邪。以。大。補。爲。主。遵。丹。溪。立。療。之。法。爲。不。易。也。若。舍。此。而。以。中。風。爲。治。用。愈。風。續。命。之。類。速。

之難矣戒之

產後血虛中風病瘕

金匱要略曰新產婦人有三病一者病瘕何謂也曰新產血虛多汗出喜中風故令病瘕

產後血虛汗多遇風變瘕

郭稽中曰產後血虛腠理不密故多汗因遇風邪搏之則變瘕瘕者口噤開背強而直如發瘧狀搖頭馬鳴身反折氣息如絕汗出如兩兩手摸按者不可治

產後瘕屬亡血過多筋無所養

薛立齋曰產後發瘧因去血過多元氣虧損或外邪相搏致牙
關緊急四肢痠澀或腰背反張肢體抽搐若有汗不惡寒曰柔
瘧無汗惡寒曰剛瘧然產後患之由亡血過多筋無所養而致
大補氣血多保無虞若攻風邪成無礙矣

○產後病在屬陰虛內熱生風

繆仲淳曰產後血虛角弓反張病發曰瘧瘧者勁也去血過多
陰氣暴虛陰虛生內熱極生風故外現瘧證其症陰血不足
無以養筋所致足厥陰肝經大虛之候宜益陰補血清熱則愈
產後成瘧不可同傷寒例治

薛立齋曰仲景云傷寒有汗爲柔瘕用桂枝湯無汗爲剛瘕用麻黃湯產後得此血氣俱虛敗證不可與傷寒例看丹溪云產後當大補氣血爲主多服參芪附子中風乃虛極之象固其本元諸病自退。

產後變證不可輕用發表

葉全善曰小續命大豆紫湯舉卿古拜散俱太陽厥陰藥也如邪寔而脈來浮弦有力者固宜但產後氣血大虛人不宜輕發其表但用防風當歸散治之爲妙。

用續命湯辨

武叔卿曰寒主收引風寒在太陽經項背強直者太陽筋病也諸方皆主續命從仲景論也郭氏不問產後虛寔邪之有無概宗之似乎一偏至薛氏又以產後亡血過多非十全大補不可又一見也及夷堅志按以大豆紫湯獨活湯而愈又主于風矣是續命亦不爲妄也但本方有麻黃附子氣血兩虛人不可輕用而郭氏論又有速灌之說稍緩卽汗出如雨反不以麻黃爲忌何語工切也二說似不可廢臨證之際詳之

慎齋按已上八條序產後有瘕證也產後成瘕大抵血虛所致故金匱以不四條均主于亡血過多當從立齋仲淳治例

二條辨不可用續命湯致有誤治之失以示戒也

產後口噤屬血氣虛風乘三陽經

大○全○曰○產○後○中○風○口○噤○是○血○氣○虛○而○風○入○領○頰○口○之○筋○也○手○三○陽○之○筋○結○于○頷○產○則○勞○損○臟○腑○傷○于○筋○脈○風○乘○之○則○三○陽○之○筋○脈○偏○虛○得○風○冷○則○急○故○令○口○噤

產後角弓反張屬體虛受風

大○全○曰○產○後○角○弓○反○張○是○體○虛○受○風○風○入○諸○陽○之○經○也○人○之○陰○陽○經○絡○周○環○于○身○風○邪○乘○虛○入○諸○陽○之○經○則○腰○背○反○折○譁○急○如○角○弓○狀

。產後角弓反張屬虛象宜固氣血

薛立齋曰前證因氣血耗損腠理不密汗出過多患此乃虛象也宜固氣血爲主此證乃氣血虛極宜大劑參芪歸朮肉桂培養之不應加附子倍人參名參附湯猶未應乃藥力未能及宜多用之

。產後痠疼屬陰虛火熾筋無所養

薛立齋曰痠者筋脈拘急也癱者筋脈弛縱也經云肝主筋藏血肝氣爲陽爲火肝血爲陰爲水產後陰血去多陽火熾盛筋無所養而然治法以八珍湯加丹皮鉤藤以生陰血則陽火退

而諸證愈不應用四君子芎歸丹皮鈎藤補脾土蓋血在于至陰至陰者脾土也此證若肢體惡寒脈微細者此爲真狀若脈浮大發熱煩渴此爲假象惟當固本爲善若無力抽搐戴眼反折汗出如珠者不治

產後拘攣屬氣血不足

大全曰產後中風筋脈四肢攣急者氣血不足臟腑俱虛月內未滿起早勞動動傷臟腑虛損未復爲風所乘風邪冷氣客于皮膚經絡令人頑痺不仁羸乏少氣風氣入于筋脈挾寒則攣急也

產後拘攣屬肝經風熱血燥

薛立齋曰肝屬木主筋若肝經風熱血燥用加味逍遙散不應六味丸以補腎水經云風客淫氣精乃亡邪傷肝也

慎齋按已上五條序產後有口噤角弓與瘕拘攣諸證也諸證爲中風內見證雖有口噤角弓異名總以產後氣血大虛所致故一切風藥概不可用惟遵丹溪立齋之論治爲產後中風病之要道也

產後不語屬敗血入心

郭景華曰產後不語者何甚曰人心有七孔三毛心者君主之

官神明出焉外應于舌。舌者聲之機。產後虛弱多至則血停。前上下于心。心竅閉塞。神志不能明了。又心氣通于心。心氣閉則舌澀不語。但服七珍散。

產後不語屬胃溼熱痰迷心

武叔卿曰。產後不語。有臨產服藥與湯過多。胃溼使然。又有熱痰迷于心。不語。導痰湯。

產後不語屬熱血熱痰迷塞心竅

方約之曰。產後不語。有熱血迷塞心竅者。有熱痰迷塞心竅者。前方七珍散治熱血。孤鳳散治熱痰。肥人多是熱痰。瘦人多是

熱血

產後不譁分證用藥

薛立齋曰經云大腸之脈散舌下又云脾之脈是動病舌本強不能言又云腎之別脈上入于心繫舌本虛則不能言前證若心腎氣虛用七珍散腎虛風熱地黃飲大腸風熱加味逍遙散加防風白芷脾經風熱秦丸升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加鉤藤脾受木侮加白芷升麻鉤藤肝脾血虛佛手散脾氣虛四君子湯氣血俱虛八珍湯不應獨參湯加附子補其氣而生血

若竟用血藥則誤矣。

慎齋按已上四條序產後有不語之證也。產後不語。稽中主于敗血。迷心。濟陰主于胃溼熱痰。此皆論病之屬有餘也。產後去血過多。陰火上乘。鬱胃心神爲不語。此證之屬虛者爲多。而敗血熱痰亦間有之。至論胃溼使然則迂矣。若立齋又兼肝脾風熱用藥多以防芷升柴爲發散。似未切中病機也。

產後驚悸屬心氣虛風邪搏心

大全曰產後臟虛。心神驚悸者。體虛心氣不足。心經爲風邪所乘。或恐懼憂迫。令心氣受于風邪。邪搏于心。則驚不自安。驚不

已則悸動不定其狀目睛不轉不能動診其脈動而弱者驚悸也

。產後驚悸屬于心血虛

薛立齋曰人所主者心心所主者血心血一虛神氣不守驚悸所由來也當補血氣為主

產後恍惚屬榮衛不足厥邪所乘

大全曰產後中風恍惚者由心主血血氣通于榮衛臟腑遍循絡產則血氣俱傷五臟俱虛榮衛不足即為風邪所乘令心恍惚不定

。產後恍惚不可作風治

薛立齋曰。產後恍惚證。當大補血氣爲主。佐後方爲善。蓋風爲虛極之假象。固其本元。諸病自退。若專治其風。則速其危矣。

慎齋按。已上四條。序產後有驚悸恍惚之證也。濟陰綱目云。不語至驚悸恍惚諸證。有謂氣虛血虛。有謂敗血入心。有謂風邪所乘。一皆名爲心風。然此風從何來。當從何治。前人亦未之悉。但言治痰治風。丹溪立齋。則以大補氣血爲主。各有所見。在臨證酌用之。愚謂產後不語一證。有敗血有溼有熱。痰有風熱。一主實邪外感爲病。而不及于虛。此亦前人立論。

之失若驚悸恍惚自是血虛心氣不足所致。大全必言風邪搏心致有斯證。其言甚戾。立齋以爲但固本源。母專治風。有功來學不小。

產後發狂屬敗血冲心

大全曰產後因驚敗血冲心昏悶發狂如見鬼祟宜局方大聖澤蘭散加辰砂棗仁湯下之

立齋按此乃血虛神不守舍非補養元氣不可

。產後發狂屬肝虛火炎

仲淳曰有產後六朝發狂持刀殺人此陰血暴崩肝虛火炎

故也。用澤蘭歸地牛膝茯神遠志棗仁加童便。

產後乍見鬼神屬敗血停心

大全曰：心主身之血脈。因產傷耗血脈，心氣虛則敗血停積。上干于心，心不受觸，遂致心中煩躁，臥起不安。乍見鬼神，言語錯亂，醫人不識，呼爲風邪。如此治，必不愈。但服調經散，加龍腦，得睡卽安。

產後乍見鬼神屬血虛邪淫

郭稽中曰：產後乍見鬼神者，何曰肝藏血，心主血。因產去耗其血，勞動肝心，敗血奔冲，邪淫于心，所以乍見鬼神。言語顛倒，非

風邪也。但服調經散、黑龍丹。

。產後乍見鬼神屬心脾血少。

薛立齋曰：產後乍見鬼神若敗血停滯，用調經散。若心血虛，用栝子仁散。此證皆心脾血少所致。但調補脾胃之氣，則痰清而神自安。若果係鬼祟所附，即灸鬼穴可愈。其或不起，多因瘀痰降火攻伐之過也。

慎齋按：已上五條，序產後有發狂見鬼之證也。夫心所主者血也。心生血，肝藏血。產後陰血暴亡，則心失所養，肝火得以。上炎，肝藏魂，心藏神。血虛則神魂不守，有發狂見鬼諸證。此。

皆虛火上乘之病。立齋但主補虛而未之論。及繆仲淳一條。乃發前人未發。

產後妄言見邪不可作痰火論

單養賢曰。產後失血。心神失守。妄言見邪。宜服生化湯加茯神。聚仁遠志。慎不可作痰火論。用消痰降火藥。信師巫以驚產母。產後狂言譫語分五證治。

大全曰。產後語言顛倒。或狂言譫語。如見鬼神。其源不一。辯證治之一。則因產後心虛。敗血停積。上干于心。而狂言獨語者。當在乍見鬼神。條求之二。則產後臟虛。心神驚悸。志意不安。言語

錯亂不自知覺神思不安者當在驚悸條求之三則有宿風毒
因產心虛氣弱腰背強直或歌哭嗔笑言語亂道當作風癱治
在心驚中風條求之四則產後多因敗血迷亂心經言語顛狂
或暈悶當于血暈中求之五則產後感冒風寒惡露斯然不行
憎寒發熱如瘧晝日明了暮則譫語如見鬼狀當作熱入血室
治之宜琥珀地黃丸及四物湯以上諸證大抵產後首當逐敗
生新然後仔細詳痰不可妄立名色自生新意加減方藥大宜
對證依古法施治未有不安者也。

薛立齋按前證當固胃氣爲主佐以見證之藥若一子攻痰

則誤矣、

產後虛煩屬餘血奔心

大全曰、產後餘血奔心、以致虛煩、蓋因分娩後、不與童便、并擗心下、及卧太早、兼食不相宜之物所致、

產後虛煩、戒服竹葉石膏湯

陳無擇曰、尋常治諸虛煩熱、以竹葉石膏湯、溫胆湯、不知產後、與尋常不全、如石膏等藥、不宜輕用之、必死、

產後渴屬于血虛

集驗方曰、產後血渴、血渴者血虛而渴也、方用人參、麥冬、生地、

甘草瓜婁。又產後心煩發渴。宜清心蓮子飲。

產後心煩血渴分證用藥

薛立齋曰。前證若出血過多。虛火上炎。用童便入四物。加白朮。麥冬。丹皮。若胃氣虛有熱。竹葉黃芪湯。若血虛發熱。八物加麥冬。五味。若血脫煩躁。用當歸補血湯。胃氣弱。補中湯。七味白朮散。

慎齋按。已上四條。序產後有虛煩血渴之證也。血爲周身津液。產後去血過多。陰虛火旺。則有煩躁。有發渴證。宜大劑滋陰降火消瘀。加童便爲主。濟陰綱目云。產後血虛。氣無所附。

逆而爲火。火上逆而瘀血隨之。則心煩發躁。童便潤陰也。味苦寒而鹹。性就下降。火消痰。所謂濁陰出下竅是也。二證並用之爲妙。若仲景二物黃芩湯。有黃芩苦參。又有竹茹石膏。治產嬾中虛煩。亂四肢苦煩熱諸證。未敢信也。當以三因之論爲主。

產後口鼻黑。衄屬胃絕肺敗。

郭稽中曰。產後口鼻黑氣起。及鼻衄者何。荅曰。陽明者。經脈之海。起于鼻。交頰中。還出頰口。交人中。左之右。右之左。產後氣血虛散。榮衛不和。散亂入于諸經。却還不得。故令口鼻黑氣起。及

變鼻衄。此緣產後虛熱變生。此證胃絕肺敗不可治病機云。產後見衄者不可治。

產後鼻衄爲氣脫血瘀證

薛立齋曰。胃脈挾口繞承漿。鼻準屬脾土。鼻孔屬肺金。此胃虛肺損爲氣脫血瘀之證。急用二味參蘇飲加附子。亦有得生者。慎齋按。已上二條。序產後有鼻衄之證也。鼻衄本非死證。產後犯此。或惡露不下。虛火載血上行。溢出鼻竅。不循經度。肺胃已受火熱。故黑氣變現于鼻口。此熱極反兼水化也。故曰肺胃敗絕爲不可治。立齋參蘇飲加附子。似未穩。莫若大盞

童便加牛膝丹皮澤蘭生熟地倍人參服之。

產後咳嗽屬肺經感邪

大全曰肺主氣因產後血虛肺經一感微邪便成咳嗽。或風熱。或寒溼皆令人咳嗽若產後吃鹽太早咳嗽者難治。

產後咳嗽屬食麩壅納

郭稽中曰產後血氣不通咳嗽者何荅曰產後咳嗽多因食熱麩壅納。或熱時或有氣塊發時冲心痛氣急咳嗽四肢寒熱。

產後咳嗽屬惡露土攻瘀血入肺

原良甫曰產後傷風咳嗽是惡露上攻流入肺經。或面赤發喘。

欲必急用二味參蘇飲又李氏曰產後咳嗽多是瘀血入肺知
母飲治產後惡露流入肺經咳嗽

濟陰按知母貝母涼藥也豈可治惡露上攻人參補氣藥也
豈可治流入肺經之嗽卽加桃仁杏仁以瀉肺導瘀亦不可
妄用

產後咳嗽屬胃氣不足

薛立齋曰產後咳嗽悉胃氣不足胃爲五臟之本胃氣一虛五
臟失所百病生焉患者多謂膜理不密所致不知肺屬辛金生
于巳土亦因土虛不能生金膜理不密外邪所感其陰火上炎

宜壯土。金生腎水。制火爲善。若遲治咳嗽。則誤矣。

產後咳嗽分證用藥

薛立齋曰。產後咳嗽。或因陰血耗損。或因肺氣虧傷。或陰火上炎。或風寒所感。治法不一。若陰血虛者。芎歸熟地參朮。肺氣傷者。四君子加芎歸桔梗。陰火上炎者。六味地黃加參朮。風寒感者。補中湯加桔梗紫蘇。

慎齋按。已上五條。序產後有咳嗽之證也。產後咳嗽。有外邪。有內傷。有瘀血。不外三因之感。其本則以氣血虛。而胃氣不足所致。夫咳嗽爲肺金病。土虛不能生金。致有咳嗽之患。雖

有外邪傷食惡露諸證必顧母爲要此立齋之論爲知本也

產後寒熱屬敗血不可作瘧治

郭稽中曰產後乍寒乍熱多是敗血爲害或陰陽不和若概作瘧治則誤矣

婁全善曰產後瘧疾多由汚血挾寒熱而作大法宜柴胡四物湯調之熱多者草果飲子寒多者生熟飲子

○產後瘧疾屬陰陽兩虛不可用柴胡湯

產寶新書曰產後類瘧分二證產後半月內外寒熱往來或午後日晡夜間發熱或一日兩三度其發有期其證類瘧由氣血

並場陽虛寒作陰虛發熱也。慎毋以瘧治。雖小柴胡湯不可輕用。惟調補氣血寒熱自除。仲景云傷寒往來寒熱一日二三度發。此陰陽俱虛不可更發汗更吐更下。其意亦全。

○ 產後瘧疾屬氣血虛宜補胃氣為主

薛立齋曰產後瘧疾總以補胃氣為主。佐草果飲之類。若胃氣利充以草果飲爲主。佐以補胃藥。蓋氣虛則寒血虛則熱。胃氣虛則惡寒胃氣下陷則寒熱交作。當大補氣血。其病自退。若誤用清脾截瘧之類多致不起。

慎齋按已上三條序產後有瘧疾之證也。瘧病在夏秋之交。

本風寒暑溼四氣之感而產後之瘧雖有外邪當從氣血兩虛爲治陽虛外寒陰虛內熱陰陽兩虛則寒熱交作故宜大補氣血爲主若郭氏以敗血爲害固當消瘀亦必兼補氣血始善故一切治瘧諸方如小柴清脾截瘧四獸之屬概不可施兜草果飲有川芎白芷紫蘇柴胡青皮良姜之發表耗氣立齋以補胃氣立論誠得治瘧之本若以草果飲爲主佐則失矣不能無辨

產後痢疾屬內外諸傷

大全曰產後痢疾由產勞傷臟腑不足日月未滿虛乏未復或

勞動太早。或誤食生冷。行起太早。外傷風冷。乘虛入于腸胃。悞食生冷。難化之物。傷于脾胃。皆令泄瀉。甚則變痢。若血滲大腸。則爲血痢。難治。世謂之產子痢。產後本虛。又加久痢。愈見羸弱。謂之虛羸下痢。又有產後氣不順。下痢赤白。謂之氣痢。治法熱則涼之。冷則溫之。冷熱相搏。則調之。滑者澀之。虛者補之。若產婦不能寬解。須當順氣。未有不妥者也。

產後下痢屬風冷乘虛

郭稽中曰。產後腹痛。及瀉痢者。何。答曰。產後腸胃虛怯。寒邪易侵。若未滿月。飲冷當風。乘虛襲留于盲膜。散于腹脇。故腹痛作。

陣或如刀刺。流入大腸。水穀不化。洞瀉腸鳴。或下赤白。肚脇脹。脹或痛走不定。急服調中湯立愈。若以爲積滯取之。禍不旋踵。謹之。

產後痢疾作渴屬津液內竭

產寶百問曰。產後下痢作渴者。水穀之精化爲血氣津液。以養臟腑。臟腑虛燥。故痢而渴。若引飲則難止。反溢水氣。脾胃既虛。不能剋水。水自流溢。浸漬皮膚。則令人腫。但止其渴。痢自瘳。

薛立齋曰。產後痢作渴。渴而不喜冷飲。屬胃氣虛不能生津液也。七味白朮散如夜間發熱。口渴者。腎水弱而不能潤也。

六味丸佐益氣湯以滋化源。

產後痢分證用藥

薛立齋曰。產後痢。或因飲食傷損脾土。脾土虛。不能消食。當審消之。若米食所傷。六君子加穀芽。麩食傷。加麥芽。菜蔬子肉食傷。加山查神曲。兼嘔吐。加藿香。若久不愈。或非飲食所傷。乃屬腎氣虧損。必用四神六味八味丸補腎。若用分利導水之劑。是虛其虛也。

○ 產後滯下不可用下藥

繆仲淳曰。凡產後痢積滯。雖多腹痛。雖極不可用大黃等藥行。

之。致。傷。胃。氣。遂。不。可。救。但。用。人。參。歸。芍。紅。麩。醋。炒。升。麻。倍。加。甘。草。與。益。母。草。滑。石。足。矣。若。惡。露。未。盡。兼。用。乳。香。沒。藥。砂。仁。阿。膠。自。愈。

慎齋按已上五條序產後有痢疾之證也。痢本于外感六淫。內傷飲食所致。若產後當兼氣血虛處治。故不可用治痢常法。而以調補脾胃爲要也。又按產後痢屬氣血大虛不可治。痢惟補氣血以大劑人參當歸主之。

產後蓐勞屬風冷搏于氣血。

大全曰產後蓐勞由生產日淺血氣虛弱飲食未平不滿百日。

將養失所、風冷密之搏于氣血、不能溫于肌膚、使虛乏勞倦、乍臥乍起、顏容憔悴、食飲不消、風冷邪氣感于肺、肺受微寒、故咳嗽口乾、遂覺頭昏、百節疼痛、榮衛受風、邪流注臟腑、須臾頻發、時有盜汗、寒熱如瘧、背膈煩悶、四肢不舉、沉重着床、此羸勞之候也。

產後羸勞屬憂勞思慮所致

陳良甫曰、嬾人因產理不順、疲極筋力、憂勞思慮、致令虛羸、端乏寒熱如瘧、頭痛自汗、肢體倦怠、咳嗽痰逆、腹中絞刺、名曰羸勞。

產後羸勞屬虧損血氣所致

產寶百問曰、產後虛羸、漸成羸勞、皆由產下虧損血氣所致、須慎起居、節飲食、調養百日、庶保無疾、若中年及難產者、毋論日期、必須調養平復、方可動作、否則氣血復傷、虛羸之證作矣、

產後羸勞當補脾胃養正氣為主

薛立齋曰、羸勞當扶養正氣為主、多因脾胃虛弱、飲食減少、致諸經疲憊、當補脾胃、飲食一進、精氣生化、諸臟有所賴、其病自愈。

慎齋按、已上四條、序產後有羸勞之證也、羸勞之成因、產後

氣血虛損。不慎起居。或感風冷外邪。或傷七情。憂慮以致動。作不時。將養失宜。遂成瘵勞之候。此產寶以調養爲訓。立瘵。以養正爲先也。

產後血崩屬勞役驚怒所致

郭稽中曰。產後血崩者。何曰。因產後所下過多。血氣暴虛。未得平復。或因勞役。或因驚怒。致血暴崩。又有榮衛素傷。氣衰血弱。亦變崩中。若小腹滿痛。此肝經已壞。爲難治。俱宜固經丸止之。若小腹脹滿。此爲內有瘀血。未可止之。必致淋瀝。

產後血崩屬酸醜不節以傷榮衛

陳良甫曰。產後傷耗經脈。未得平復。勞役損動。致血萎崩。或因酸醎不節。以傷榮衛。亦變崩中。

產後血崩屬臟氣不平

陳無擇曰。血崩不是輕病。况產後有此。是謂重傷。恐不止。酸醎不節所致。多因驚憂。恚怒。臟氣不平。或產後服斷血藥。早致惡血。不消。鬱滿作堅。亦或崩中。固經丸自難貴効。不若大料煮芎藭湯。加芍藥。隨證治之。

產後血崩分證用藥

薛立齋曰。前證若血滯小腹脹滿。用失笑散。肝火血妄行。加味

道遙散脾鬱不統血加末歸脾湯脾虛不攝血補中湯厚朴黃
熱傷血清胃散加槐花風熱相搏傷血四君子加防風枳殼

慎齋按已上四條序產後有血崩之證也產後已亡血而又
有崩證似非輕病多屬陰虛氣脫所致稽中主千勞役驚怒
是本內傷七情爲病若良山以酸鹹不節無擇以血藥漸早
均非精機之要予謂產後下多亡陰須用仲景法血脫益氣
純用血藥無濟也觀薛氏醫案有婦人血崩如湧以六君子
加黑姜而愈得其旨矣

。產後便秘屬亡津液胃燥

金匱要略曰新產婦人有三病三者大便難何謂也而亡津液胃燥故大便難

○產後便秘屬內亡津液

聖濟總錄曰大腸者傳導之官變化出焉產後津液減耗胃中枯燥潤養不足糟粕壅滯故令大便難或致不通蓋新產之人喜病者由去血過多內亡津液故也

○產後便秘屬血虛火燥

薛立齋曰產後大便不通因去血過多。大腸乾澀。或血虛火燥。不可計日期。飲食數多用藥通潤之。必待脹滿。覺脹自欲去。不

能去乃結存直腸。宜膽導之。若服苦寒藥通之。反傷中焦元氣。或逾難通。或通而瀉不止。必成敗證。若血虛火燥。加味逍遙散。氣血俱虛。八珍湯。慎不可用麻仁杏仁枳殼之類。

產後便秘。屬津液不足。不可服寒藥。

郭稽中曰。產後大便秘澁者。何荅曰。產後水血俱下。腸胃虛竭。津液不足。是以大便秘澁不通。若過五六日。悶脹者。此燥屎在。臟腑乾澁。未能出耳。宜麻仁丸以潤之。若誤以爲有熱。投寒藥。則陽消陰長。變證百出矣。

。產後便秘。屬血少腸燥。不可用峻利藥。

單養賢曰產後大便口久不通因血少腸燥故也宜多服生化湯則血旺氣順傳化如常自無燥澀之患切不可用硝黃峻利之劑以亡陰血致中氣虛而便秘愈甚遂成脹滿者有之

產後便秘戒輕用大黃

陳無擇曰產後不得利者百無一生去血過多臟燥大便秘澀固當滑之大黃似輕難用惟葱涎調臘茶爲丸復以臘茶下之

慎齋按已上六條岸產後有大便秘結之證也產後水血俱下則大腸燥澀便閉不通金匱聖濟均主津液內亡立齋主

血虛火燥自是元氣內乏受病故戒不可以苦寒峻利再傷氣血漸致不救也。

產後小便不通屬內積冷氣

產乳集曰產後小便不通腹脹如鼓悶亂不醒蓋緣未產前內積冷氣遂致產時尿胞運動用鹽于臍中填平用葱白搗一指厚安鹽上以艾炷餅上灸之覺熱氣入腹內即時便通神驗。

產後淋屬熱客胞中

大全曰產後諸淋因產有熱氣客脬中內虛則頻數熱則小便澀痛故謂之淋。

產後淋屬熱邪搏血滲入胞中

大全曰有因產損氣虛挾熱熱邪搏血流滲胞中血流小便而出則爲血淋

。產後淋治法宜量虛實

陳無擇曰治諸產前後淋其法不同產前當安胎產後當去血如冷熱膏石氣淋等爲治則一但量虛實用之。聖麥蒲黃是產後要藥惟當尋究所因則不失機要矣

眞齋按已上四條序產後有小便不通淋秘之證也三因云產前當安胎產後當去血此二語爲興緊如產前淋或由氣

虛不化當用參茸補氣安胎不可過用滲利產後淋或由汚血阻滯當以瞿麥蒲黃爲要藥若血虛熱鬱當用六味丸逍遙散補陰養血滋其化源佐以導血藥可也

產後二便不通屬津液燥竭

大全曰產後大小便不通腸胃本挾熱因產水血俱下津液燥竭腸胃痞澁熱氣結于腸胃故令大小便不通有煩產下噤二便不通飲牛乳而通人乳尤善

產後小便數屬氣虛不制

大全曰產後數者氣虛不能制也

產後小便不禁屬脾腎虛

薛立齋曰產後遺尿腎氣不固也五味子丸主之若脾腎虛弱用還少丹仍以補中湯爲主虛寒加肉果補骨或四神丸若脾腎虛寒用五味丸四神丸佐之

產後小便不禁屬產傷膀胱

陳良甫曰婦人產理不順致傷膀胱遺尿無時

產後小便淋瀝屬損破尿脬

朱丹溪曰有收生不謹損破產婦尿脬致病淋瀝用豬羊胞煎湯入藥參芪爲君歸地爲佐桃仁陳皮茯苓爲使于極飢時飲

之令氣血驟長其胞自完稍緩亦難成功也

產後小便淋瀝分證用藥

薛立齋曰。穩婆不慎。致胞損而小便淋瀝者。八珍湯補氣血。若因膀胱氣虛。小便頻數。當補脾肺。若膀胱陰虛。小便淋瀝。須補肺腎。方用補中湯。加山茱山藥爲主。佐以桑螵蛸散。

慎齋按。已上六條。序產後小便有數。有不禁。遺尿。有淋瀝之證也。經云。腎主二便。開竅二陰。小便不禁。淋瀝。前陰病也。產後氣血大虛。有傷臟腑。非肺氣虛而不能約制。爲遺尿。爲不樂。卽腎氣竭而多有虛熱。移于膀胱。爲瀝。爲淋。總以補養氣

血加并提固澁之劑爲主。若用滲利疎導是重虛也。戒之。

產後小便出血屬熱乘胞內。

大全曰：產後小便出血，因血氣虛而熱乘之，血得熱則流散滲于胞內，故血隨小便出。有產後尿血而黃腸脹，少食，此肝木乘脾土也。用加味逍遙散補中湯兼服而愈。

產後大便出血分諸證用藥。

薛立齋曰：產後便血，或飲食起居，或六淫七情，致元氣虧損，陽絡外傷，治法若因膏粱積熱，加味清胃散；因醇酒溼毒，芍花解醒湯；怒動肝火，六君子加芎歸芍藥柴胡；因鬱結傷脾，加味歸

脾湯思慮傷心妙香散大腸風熱四物加栢葉荆防枳殼槐花
大腸血熱四物加苓連腸胃虛弱六君子加升柴腸胃虛寒六
君子加肉果木香因元氣下陷補中湯加茯苓半夏胃氣虛弱
六君子加舟麻血虛四物加升麻氣血虛八珍加升柴溫補
慎齋按己上二條序產後有二便下血之證也產後既凶血
而大小二便復有下血之患此非尋常火熱滲于膀胱歸于
大腸可例治也非血虛卽氣脫心主血脾統血心氣虛則小
腸不能制而血流脾氣弱則大腸無移蔭而血下故二便出
血當責之心脾二經爲病若大全竟以熱論立齋一條分因

雜出詳證配方未免膠柱似難責効立齋之書補元陰元陽動以滋化源立論開發後人有功來學不少但每證輒以方配某病用某方似欲後人按圖索驥刻舟求劍矣善讀立齋之書者不知予言爲河漢否也

產後發癰疽不可用治毒藥

產寶新書曰產後發癰疽宜生化湯加運喬金銀花甘草乳香菔豆粉和服不可用大黃等藥并敗毒散之類

慎齋按新產婦人或在十朝十五朝之後忽發癰腫于四肢胸腹間或是敗血不盡或是氣血虛弱榮氣不從逆于肉理

發爲癰毒。如敗血淤滯經絡者。當補血。行血。導瘀。疎氣。爲主。如氣血虛弱。榮衛遲遲。成瘰腫者。當補氣。活血。爲主。切不可從毒。治用寒涼。清火。解毒藥。只用大補。如十全八珍之屬。以固木元。扶胃氣。氣吐血。流其毒。自解。若欲攻毒。勢必潰爛。不能收功矣。

產後月水不調。屬風邪冷熱客經絡。

大全曰。產後月水不調。由產傷動血。氣虛損未復。風邪冷熱之氣。客于經絡。乍冷乍熱。冷則血結。熱則血消。故令血或多或少。或在月前。或在月後。名不調也。

產後月水不調屬風冷傷經

大全曰產傷動血氣虛損未復爲風冷所傷血得冷則凝結故風冷傷于經血結胞絡之間令月水不通凡血結月水不通則成血瘀水血相併復遇脾胃衰弱肌肉虛者爲水腫

產後月水不通不必藥

陳良甫曰婦人冲在之脈爲經絡之海皆起胞內手太陽小腸于少陰心此二經上爲乳汁下爲月水若產後月水不通新產後勞傷氣血或去血過多乳汁自然不通若乳子半歲或一歲之內月經不行此常候非病也若半歲而行或四五個月便行

是少甘血盛之人若產後一二年月經不通無疾苦亦不必服藥或勞傷氣血冲任脈虛氣血衰少不行但服健脾胃資氣血之藥自然通行以藥通之爲害滋大

慎齋按已上三條序產後有月水不調不通之證也月水不行爲損人要病至產後不行又不可以病言也。大全二條均主風冷邪傷專以外感爲病亦屬偏論失產後月水不調不通有因于產動勞傷臟氣血虛弱者有因于懷子自乳血脈上爲乳汁者有因脾胃氣虛飲食少進者不止風邪冷熱之感也。良甫一條甚悉病機至云但服健脾胃資氣血藥不必

通經尤見探本之論

產後乳汁不行屬亡津液

大全曰。嬾人乳汁氣血所化不行者。由氣血虛弱。經絡不調所致。或謂產後必有乳。乳雖脹而產後替作者。此年少之人。初經產乳。有風熱。須服清利之藥。則乳行。若累經產而無乳者。亡津液故也。須服滋益之藥。助之。若有乳不甚多者。須服通經之藥。仍以羹臠引之。蓋嬾人之乳。資以冲脈。與胃經通故也。有屢經產而乳汁常多者。亦嬾人血氣不衰使然。若嬾人素有疾。在冲在經者。乳汁少而色黃。生子亦怯弱多疾。

產婦乳汁不行有二

陳無擇曰產婦有二種乳汁不行。有氣血盛而壅閉不行。有血氣少弱澁而不行。虛當補之。盛當疎之。盛者當用通草漏蘆土瓜根。虛者用煉鍾乳粉豬蹄鯽魚之屬。

○ 產婦乳汁不行宜壯脾胃以滋化源

薛立齋曰前證若氣血虛弱不能生化者宜壯脾胃怒動肝火乳腫汁出者宜清肝火乳汁乃氣血所化在上爲乳在下爲經若屢產無乳或大便澁滯者亡津液也當滋化源冲任之脈盛脾胃之氣壯則乳汁多而濃衰則淡而少所乳之子亦弱而多

病

產後乳自出屬胃氣虛

大聖曰、產後乳汁自出、胃氣虛也。宜補藥以止之。若未產而乳自出者、謂之乳泣。生子多不育。若產後勞役、乳汁湧下、此陽氣虛而厥也。獨參湯補之。

乳房腫脹用麥芽

薛立齋曰、凡婦人氣血方盛、乳房作脹、或無兒飲、痛脹寒熱、用麥芽二三兩炒熟、水煎服之、立消。其耗散血氣如此、何脾胃虛弱、飲食不消、方中多用之。一云麥芽最消腎、若氣血虛而乳汁

自出者宜十全大補湯

。產後乳癰屬邪熱攻陽明血搏氣滯

聖濟總錄曰產後冲任不足氣血俱虛其熱潛行入足陽明之脈直行者從缺盆下乳內廉下挾臍入氣街中冲脈者起于氣冲蓋足陽明之經夾臍上行至胸中而散其經爲邪熱攻冲則血爲之擊搏氣爲之留滯擊搏則痛作留滯則腫生產後多有此疾由乳汁壅積與氣相擊搏故也

慎齋按已上六條序產後有乳汁不行之證也。煩人以血用事上爲乳汁下爲月水而血之所化則本于脾胃飲食之積

微○運○行○而○爲○乳○爲○經○產○後○脾○胃○之○氣○旺○則○血○旺○而○乳○多○脾○胃○之○氣○衰○則○血○減○而○乳○少○此○立○齋○治○乳○汁○以○壯○脾○胃○滋○化○源○爲○要○也○若○不○顧○脾○胃○以○補○氣○血○徒○從○事○于○通○乳○之○劑○是○猶○求○于○金○于○乞○丐○而○不○可○得○矣

產後陰脫屬產勞太過所致

陳三因曰、煩人越產勞力、勞熱太過、致陰下脫、及陰下挺出、逼腫痛、舉重疲勞、皆能發作、清水續續、小便淋瀝、硫黃烏賊骨、五味子爲末、搽之、

產後玉門不閉屬氣血不能收攝

陳良甫曰。產門不閉。由元氣素弱。胎前失于調養。以致血氣不能收。拜故也。十全大補湯。有初產陰戶腫脹。或癩痛不閉。或味逍遙散。若腫不閉者。補中湯。加五味子。切忌寒涼之藥。

產門不閉腫痛分證用藥

薛立齋曰。玉門不閉。氣血虛弱也。十全大補湯。腫脹癩痛。肝經虛熱也。加味逍遙散。

慎齋按。已上三條。序產後有陰脫不閉之二證也。產後一切證。總以氣血大虛爲治。况陰挺下脫。玉門不閉乎。故丹溪立齋醫案。有產戶下一物如手帕者。有下一物如合鉢有二歧。

者有出肉線一條者有子宮損落一片者凡此皆氣虛血脫
故子戶胞門見證種種共立方處治不過參芪歸地加以升
提收澁臨證之工可以神明之矣